

戊辰年元歲春

順天易生編



順川編

天

易

生

丙子仲秋

漢山唐紹考



光緒丙子  
七月開雕

順天易生編原序

胎產非患也而產難則為人患人患不殄乃歸之於  
天天何尤乎亦惟求之順理而已此編專為產難而  
設蓋區區一得之愚即區區一點真誠之念倘能熟  
看謹行皆可先生如達人患弭而天德叶矣知之而  
不言非也聞之而不傳非也好生者見之宜為廣布



有力者重刻通行無力者手抄數冊口授數人隨分  
盡心未始非吾儒同胞同與之一事利濟為懷原非  
求福積善餘慶必有攸歸此編揣摩印證委係無疑  
凡重刻手抄不必更改尤不可增入方藥以相矛盾

姑蘇趙璧著

順天易生編

一此編開卷即載臨產者蓋倉卒不及細檢因以最切要者載之編首開門見山人人熟習專意行持自可無誤若平時講說不妨從保胎次第看之

一試痛一篇尤為緊要蓋知試痛之誤方知正生之易正與臨產互相表裏最宜細看仍取先賢格言

足相發明者數條載之以證予言之不謬

一此編不過反覆以言其理至於方藥殊未及偶載  
一二皆取先賢古方乃極平極穩者蓋極平常之  
事須用極平常之藥一切矜奇炫異之術槩置不  
錄且保護得法雖平常之藥亦無所用之倘必欲  
用藥則他刻自有原不相妨

一凡胎前臨產產後調護之法一一備載不厭煩複  
蓋原係家居日用閨房瑣屑之事有一不到皆足  
致病與其服藥於病後何如致謹於平時

一此編人人當知富貴之家尤宜熟講以其平時嬌  
養口厭肥甘身安逸樂體氣脆薄且性情驕傲不  
聽人言到此時纔一知覺即不能耐點燈著火上



呼下應房中擠簇多人內外嚷成一片穩婆絡繹  
各要爭功脉未離經胎未轉下即便坐草及至不  
順竒方珍藥紛紛亂投以致母子兩誤者多矣若  
能留意此編自可平安清吉

一胎產之書可以汗牛此編特為難產而設其胎前  
產後畧載一二以存其概若曰此編足以盡之則

重予過矣

一此編言語俚俗未免見笑於大方但此原為婦人而設識字者固一目了然不識字者亦可令人口傳亦皆通曉然須平時講熟令心中明白臨時纔有主意不但產母宜知一應老幼男婦皆當知之與其看戲文聽小說不如傳聞此等有益

一先賢有言勿以善小而不為此編固小之小者然  
誠有見於胎產為生人正理設身處地體驗而成  
身經目擊口授耳聞千試不爽忘其猥陋而掛  
漏萬之譏固所不免世之君子原其心焉可耳  
一按胎產一事自產寶諸書以後代有發明其保產  
臨產及產後調理各法率皆至精至密似無遺義

何待今之多言但或專精方藥而未及其所以然  
或畧一及之而未竟其旨倉卒之際殊難得力倘  
非究心有素未易明而用之也茲特昌明天德自  
然之說不厭煩絮重複以期於暢使平日可以預  
防臨時可以應急從此天下產母嬰兒同登壽域  
豈不快哉然亦曲遵古人之意而條達之非創為

異說也


新編祖司以甄意 姑蘇趙壁識 母與吳同登嘉

然之證不無歐幣重蘇以陳亦揚外平日可似

我談凶成素未及問師風

友云三父之謂未實其

何有公之之言以迄竟辭不樂可未及其所以也



順天易生編上

原生

天地之大德曰生生之德無往不在莫大乎生人胎  
產固生人之始也此天地自然之理如目覩而耳聽  
手持而足行至平至易不待勉強而無難者也今之  
世徃徃以難產聞天豈以生人之道殺人哉抑以人



事之失而損其天也事本易也而自難之事本常也  
而或異之無怪其然矣因思人為至靈視物何若物  
之生也莫或難之草木之申以時鳧壳之出以日自  
然而然不待勉強於人何獨不然有童子者骨鯁於  
喉百方莫出舉室徬徨一嫗視之曰無異也令靜卧  
飼以漿糜三日自出而無所苦此可以知其理矣骨

鯁人事也尚可以天勝之而况天道之常與自然之  
極者乎悟徹此理將順行之百試無一失者多無資  
於藥由此敝唇焦舌以告同人頗蒙相信數年以來  
一邑之間產難者蓋寡矣夫豈有補於生之外哉惟  
順承天休而勿以人事撓之以各遂其生而已

臨產



六字真言曰睡曰忍痛曰慢臨盆

或曰何為當睡曰此時要養神息力為主能上牀  
睡閉目養神最妙若不能睡暫時起來或扶人緩  
行或扶桌站立片時疼若稍緩又上床睡總以睡  
為第一法但宜仰睡使腹中寬舒小兒易於轉動  
且大人睡下小兒亦是睡下轉身而不費力蓋大